

華

經

合

寸

尺

悲華經舍詩存卷一

慈谿

洪允祥兆麟

別字
佛矢

古今體一百一十二首

飲酒

西園豔陽花亂開。少年意氣顛如雷。邂逅傾情誓刎首。不知世有黃金臺。昨日洛陽街裏來。美人顏色爭春梅。顧我一笑蕩魂魄。所痛倉卒無良媒。事不如意例若此。英雄低首儕蒿萊。春色爛漫照青鬢。拔劍斫天天欲摧。帝曰余亦行樂耳。十二萬年終劫灰。夕陽一片霞千里。來日大難歌莫哀。我輩心骨異凡俗。飲君美酒三百杯。

讀史

高堂曾嘉客。迂道過屠市。夷門七十翁。心識魏公子。邯鄲受秦圍。於魏實唇齒。奇策知必成。向風刎頸死。既云謝釐王。亦思慰晉鄙。古人用情深。殺身良有以。當其少年時。無眼顧奇士。世不生信陵。老矣亦何俟。

俗情自勢利。丈夫貴自堅。但知蓬蒿樂。何必二頃田。季子書十上。惠王不謂賢。
憤思擯秦策。歸讀陰符篇。合縱豈不佳。惜哉中變遷。走齊受客刺。富貴如雲煙。
所以辭趙爵。世高魯仲連。

項王速救趙。叱咤生風雲。戰兵一當十。驚懼諸侯軍。沛公得入關。良由秦力分。
鯁生勸兵守。仍見咸陽焚。鴻門罷舞劍。大度真人君。哀哉死垓下。天亡我亦云。
漢運盛太宗。闊略無制度。洛陽王佐才。上策談世務。炎炎經術言。足起黃老痼。
一旦君臣歡。豈非千載遇。吁哉遷長沙。蒼涼鵬鳥賦。鄧通何足誅。所惡絳灌妒。
我悲古人言。芳蘭忌當路。

相如昔落魄。大梁風雪侵。故人令臨邛。去去遠往尋。身入蜺蜺夢。謀得千黃金。
美妻與良友。令人爲情深。歎息子虛賦。天子真知音。死後封禪書。無乃稀規箴。
男兒恥輕薄。彼哉何足欽。

感懷

郭外斜陽淡客居。乾坤渺渺正愁余。三年倚柱馮驩缺。十載盈車惠子書。魯廟

不堪享海鳥。宋城已欲壓池魚。山中且覓埋憂地。人壽河清願恐虛。
火急軍書迫帝鄉。和戎下策定蒼黃。西鄰機智孫升木。東閣經綸雀處堂。天使
可能爭歲幣。將軍猶是據胡牀。何人死報君恩重。爲誦離騷弔國殤。
蒼茫赤縣屢風波。夢悵昭融醉賜訛。諸鎮不存唐社稷。五胡終裂晉山河。澹災
方術神人簡。返日精靈壯士戈。蓬萊書生成底事。杞天低處祇愁哦。
慘澹風塵吾道難。百年人事夜漫漫。芳馨寄恨隨天遠。冷月含愁逐漏殘。未屑
漢宮徵狗尾。已教安邑累豬肝。他時再進昇平世。穩我煙波一釣竿。

元祐黨人碑

艮嶽漠漠成榛蕪。端禮遺蹟愁模糊。有客示我黨人籍。道君當日良失圖。崇寧
元年秋九月一碑錮盡君子徒。萬家生佛涑水老。薦才乃受共驩誣。衣冠相望
走嶺表。諸賢幾盡膏王鈇。蘇黃詞翰足飽暖。李寧藏刀眞丈夫。是時半山久寂
寞。誰令棄鼎珍康瓠。玉京安妃夢正熟。桃花散落潭州途。吁嗟洛蜀分程蘇。操
戈同室計亦麤。坐使羣賢歸宋社。北狩昏德災剝膚。不論礪石論安石。儒術尤

厭龜山疏考古欲疑辨姦論金風西拂斜陽孤

米價歎

去年米價斗五百今年米價石十千眼穿不見賈船至海門潮色青連天萬家
生涯涕淚裏長官酣作彈棋戲癡心空復禱蒼穹後雨珠玉先雨米龐眉書客
憂萬方有淚不泣硯田荒忽見澤國悲風起日暮嗷嗷哀鴻化作豺與狼
有感

責言今日值東鄰世局須知有屈伸未信天心眞授楚若論形勢已輸秦禁中
歎息思頗牧海內風謠罵檜倫青史不須悲往日濁醪能醉杞憂人

秋感

危時秋士易魂銷坐對湖山感寂寥渺渺白雲鄉思久依依衰柳美人遙岳王
墓畔頻沾酒伍相祠前自弄簫風雨一天身世恨拚將心淚寄江潮

省寓有感

愁人心事不宜秋秋裏風花祇解愁燕市酒徒頻說劍秦川賦客此登樓柳延

舊綠春難返。荷抱殘紅死未休。心淚千行寄誰是。大江日向海門流。

詠懷

廿載猖狂哭窮愁。信有之月魂淹獨夢。霜氣健秋髭。日月隨長歛。乾坤入小詩。故園新釀熟。又負菊花時。

涕淚人間事。江山物外吟。可親唯酒客。難信是天心。北斗冥冥轉。東鄰故故侵。危樓堪縱目。萬里著秋陰。

黔首銜兵氣。黃金竭廟謀。相憐魚入釜。誰促鳥歸囚。局壞棋難巧。方多藥浪投。唐風初盛好。病榻寄冥搜。

率舊元臣體。柔夷上國風。兵精羣盜劇。粟貴老農窮。兆姓依冲主。殘生禮大雄。非儒吾有作。白面尙雕蟲。

秋夜

秋風作意撼江城。落葉聲中月半明。浩劫餘馨霜後草。寥天孤影雨邊檠。屠龍技絕憐前輩。畫餅名虛賺後生。尙有醉鄉容位置。淹留吾肯賦無成。

聞馮君木病

病豎歆公等貧無藥石攻所懷多故鬼相迫又秋風成佛才非易封侯夢已空
支離天所相吾道合暗蠱

漫成

吾舌猶存足嘯歌寸心肯與墨同磨百年野史溫殘夢一笑江樓閱逝波窮不
工詩緣性懶病仍耽酒爲愁多癡人願歷無量劫生尙能狂奈死何

旅日詠懷示友

晞髮陽阿袖楚騷芙蓉峰下舊征袍塚中人飽蓬萊藥市上童眩日本刀但使
乾坤不灰滅終憑忠信涉波濤東來祇下南洲拜居近姚江愧此豪

痛淚狂揮阮籍途相逢異域一胡盧覓師滄海今琴客荷鐺神州古酒徒萬里
故交同眼孔百年長物此頭顱憐余兩鬢俄空後一卷楞伽學道初

捷徑名山事可羞揚帆東海爾何求仙蹤已渺三神島佛性能融四部洲齊物

轉憐蠻觸戰憂時遑恤稻粱謀心源會有澄清日擬向華嚴法界遊

蝸蟾黨局久相持。後虎前蛇孰卻之。天下事非吾可了。少年心有劍能知。樓臺彈指空中想。花鳥傷神病後詩。未必風塵葬公等。細脩定慧撥危時。

長島神社

社鬼無名氏。山腰石座深。懸崖誰結構。冒雨一登臨。滄海空前劫。長風引客心。再來吾有約。題壁待重尋。

馬關

暮雨滋神戶。春濤入馬關。由來非故國。無處不愁顏。島影寒涵海。人家遠負山。曾聞某相國。來此議和還。

遊仙

尹喜依然拜下風。青牛紫氣又來東。人間誤注書多少。大笑傳經河上公。

永夜

永夜嵯峨夢未成。萬千幽恨滯寒檠。冥冥孤雁霜秋影。悄悄鄰鷄雨曉聲。客自無能甘落魄。時方多事怕長生。年來學道吾何得。略刻機心未刻情。

哭鄭史眉

谿北谿南兩酒徒。方生方死各模糊。眼中何事不堪哭。天下微君誰與娛。太白游魂三夜幻。仲翔知己一人孤。空山宿草秋風裏。尙有窮途淚也無。

別林養素

悔向人間覓往還。落花時節各摧顏。肝腸古色同堪判。雨雪前途各自艱。有口但宜飲醇酒。得錢還計買青山。中年學道原非晚。正有閒情不易刪。

贈毛晉初

煞氣騰螭角。清才鍛鳳毛。相憐吾道窘。誰遣寸心勞。海竭蛟休淚。堂危燕尙巢。贈君無別語。痛飲讀離騷。

雜詩

曠哉六合間。有我何其眇。過去與未來。思之墮茫渺。偶然有七尺。何日得自了。寂坐守此心。朋從逼而繞。放眼一看之。海平泰山小。我自行我法。轉嫌苦行矯。秋風

秋風迢遞赴江濱孤館淒清著病身木落遠撐山骨幹露多微掩月精神幾回
負負成今日祇覺遙遙去古人天下掃除非我事閒從心地斬荊榛

江山無恙豔陽天客與春風一樣顛彭澤閒情暇白璧扶風豪士醉青蓮句鏤
仙子瓊樓影藥駐佳人錦瑟年回首都成沈陸計意中何處覓桑田
誰遣微蟲有知覺吟聲與客角低昂百年未死禪中蝨一夕平添鏡裏霜怪夢
騰騰趨短夜餘芳煜煜點殘陽空山蘿薜幽人在萬里雲天雁路長

逝水何心判濁清殘棋多事覆輸贏江山寂寞餘吾輩劫運推遷奈衆生憂患
乾坤終未濟淹留蘭芷蹇無成眼中事豈騷人料未信悲秋已不平

旅甌詩

行行山水清嘉地咄咄乾坤震蕩時聞是謝公舊遊處恐驚山賊不吟詩
永嘉經制陽明理生幸家山在浙東一葉甌江哦舊句少年心事付秋風
清臞氣貌遠風塵胸貯乾嘉盛世春賦就遂初頭未白與人家國又何人
叵耐端居悒悒時出門惘惘欲何之斜陽塔影江心寺孤艇來尋信國詩

身世

楚客有歌翻白雪燕臺無路易黃金名花老去蝶應死寶劍寒時龍忽吟

無題

青禽芳訊及時通霧閣雲屏暗幾重鎖日花香蝴蝶醉不知花底有秦宮

洞口桃花失舊途漫云方朔是狂夫三千弱水公母渡穩挾西施泛五湖

危樓

天地秋風裏危樓獨上時大江潮去急落日雁歸遲世局憑誰挽文章祇自知

朽欄身倚後愁思欲何之

詠史

華胥舊夢竟非真軒野俄教毒霧淪陳寶早知函谷霸銅駝愁見洛陽春注秦

下策餘和議訓注遊魂託黨人誰信釣鰲東海客一天風雪正投綸

棟園主人以焚香讖綺圖索題

主人居瑞安余同宗

慷慨寧爭豎子名棲遲未厭入山深昌黎正有金釵句元亮依然白璧心小院

落花春貫酒疏窗，明月夜橫琴枳。堆案原非晚見，見獵欣然恐不禁。

臨去秋波好證禪，才人慧業易生天。先生游戲真通隱，兒輩文章又欲仙。白日
堂堂銷醉裏，青山故故著愁邊。秋齋夢蝶人消瘦，崑體千篇值幾錢。

爲棟園主人題懸島猿傳奇時余欲去瑞安

猿腸斷矣海之濱，坏土南屏草不春。每憶故鄉張閣部，毋忘吾祖宋行人。一千
里外存同姓，三百年來哭逸民。所喜先生衰未竭，毛錐尙似魯戈神。

吾宗舊有離騷疏，甌海今存處士家。明鏡白頭秋洗淚，小園清酒晚酣花。祇談
風月堪三宿，高睨乾坤付一嗟。我已中年公欲老，眼前東海渺無涯。

歡蹤

計拙都成悔，愁多轉惹慵。相尋惟夢境，難覓是歡蹤。燕子衣新紫，桃花面舊紅。
錦箋何處寄，閒坐日書空。

送同學諸子遊武陵

楊子臨歧淚，昌黎勉別文。心腸纏古哲，頭角惜諸君。江僻帆通海，春深樹惹雲。

西湖芳草路爲弔岳王墳

甌江別李躬齋

地棘天荊多苦辛
酒龍詩虎尙精神
十年北望憂天下
千里南來得此人
俗外清歌凌白雪
花邊韻事隔紅塵
窮途面目支離甚
敢乞先生一寫真

落日依依待魯戈
蘆中人似爾如何
莊生隱操貞松柏
屈子騷心豔薜蘿
學佛憐余仍苦諦
感時際此各悲歌
有腸未及楊朱冷
爭怪臨歧涕淚多

旅甌偶述

華蓋山頭夕照沈
蒼茫古意赴登臨
北來學派周恭叔
南渡文章葉水心
三宿空桑仍戀戀
一池春草自深深
此邦大有前脩在
改罷新詩莫浪吟

郡城遇應叔申

芙蓉秋傍酒杯鮮
惆恍前塵憶少年
風雨詩聲頻獨賞
江湖心淚暫相憐
書生自挾山中曆
時事休咨醉後天
老我猶能齊孔跖
未知身後定誰賢

寄君木

病骨支離不耐秋。碧天涼思晚悠悠。一畦芳草經霜變。永夜寒江抱月流。入世
非才。頻中酒去家未遠。亦登樓。一言寄與張平子。莫倚危時詠四愁。

哭陳訓懋

危時人我暫相憐。淚眼愁看醉裏天。壯士無戈揮落日。庸醫何藥殺青年。神魂
變滅空千劫。文字因緣祇一篇。杯酒澆君乾淨土。秋籬霜後菊花蔫。

春草池

春意欣欣繞碧渠。鳴禽聲變欲驚余。方生物亦無常住。已往人皆類子虛。憂自
傷生寧病酒。時剛多事尙耽書。名心苦與禪心雜。頗惜伽藍鬬草鬚。

寓言

瑣窗消息掩叢花。午夢初醒日已斜。春去千山啼杜宇。宵深半面隔琵琶。寶刀
躍躍黃衫客。錦札沈沈碧玉家。羨煞鴛鴦樓上女。卻因胡粉逞年華。
窺牆幾載怯東鄰。居處無郎不解春。細碎芝焚勞蕙歎。悠揚絮果屬蘭因。千金
巴婦丹藏穴。一醉麻姑海起塵。浪說桃花風骨軟。武陵深處笑孤秦。

失題

天竺古先生西土彌陀佛心光包太虛無空亦無色涓涓水上荷寂寂庭前柏
方便啓法門禪淨延古德我本傷心人煩惱爲身賊望風嗅餘馨妙義悟諸默
猖狂攘菩提羣緣力未遏酒肆淫坊中孤根繞藤葛傾誦寒拾詩久溺欣自拔
卿卿我亦憐明秀數尤物爲語老病苦點頭疾於石知子有夙根一語抵千百
末劫宗風衰蓮邦最勝特願爲韋提希信心母自奪勿嫌脂粉汚心淨即解脫
對像成圓觀福勝十萬塔

題張詠芝先生小像

窮山風雨天寒鷄鳴不已起坐心茫然望古空色喜出門求友大江之東南未
信菰蘆叢中有佳士季良畫虎終何成幾陷天下輕薄子儒林獨行兩蕭條欲
往從之闕青史歸來讀書東海濱詩酒縱橫同故人故人雨簪張其姓人如其
文肆而醇一朝持畫泣告我此圖能寫吾祖真清奇隱氣貌肅穆見精神至今
畫圖裏令人敬而親水媚山輝蘊珠玉神州畢竟藏鳳麟我欲拜手獻厥頌目

擊道存語敢縱文家陳例喜瑰奇使狀中庸卽惶恐桐城派衍明州包

謂蕉舫先生

名不出越窮文豪詠芝先生六十壽千言一序清滔滔謂公生海隅制行一何
高幽蘭芳自性古松貞厥操樸學廣川董隱趣柴桑陶孝經一卷常在手聲出
金石歌唐堯坐令盜劍畏王烈寧肯啓事煩山濤車服未償稽古力緒餘猶足
榮兒曹試看子孫賢自足林泉樂佳兒一第里門光又見孫枝染桂馥古香薰
善到雲礪我道吉人天必福口碑身後喧漁樵死而無聞笑食肉叔度汪洋千
頃波來者何能量所蓄嗚呼張子勉乎哉我瞻茲像猶低徊富貴逼人有時有
含飴老翁不復來人謂生子當如孫仲謀我謂求師當得東家邱康成禮堂久
寂寞幸與小同共遨遊愧余生苦晚青山哭前修蛟門一坏土霜露冷松楸丈
夫真氣驚九垓百年孺慕猶嬰孩心光淳悶繩厥武明神降鑒培所栽純純常
常蹈曾閔拚與蓬蒿埋此才

金陵

勝絕金陵地尋詩偶此行雲銷天子氣湖永美人名落日青山隱微風畫舫輕

飾字似在
粉字下

疲驢隨處走菜色盡蒼生
流俗訾安石英雄數仲謀詩書千載垢龍虎一爭休功業歸紈袴江山入釣舟
古人不可作浩蕩學閒鷗

六代留青史風流去不回老莊寧罪案江孔亦奇才劫累餘文物城寬半草萊
危樓堪北望倚醉一低徊
幾許南都事長憐內闋非大江頻咽恨羣盜遠驅飢風雨殲英物乾坤蘊殺機
諸公方粉兒輩飾暫輕肥
雨花臺弔曾忠襄
一笑公多事艱難破此城地曾經苦戰心豈爲蒼生堯桀名難定滄桑感未平
眼中三十里前代是皇京
莫愁湖弔徐中山
竟逐胡元去中山氣若雲前身疑蜀將地下笑湘軍廟貌秋風老湖光落日曛
東陵瓜種劣知否誦先芬